

Kandidat ste za sticanje, izdavanje, produženje potvrde o obučenosti za obavljanje stručnih poslova i odobrenja za rad na poslovima od značaja za sigurnost zračne plovidbe na aerodromu?

Na osnovu člana 16. stav 1. Zakona o upravi ("Službeni glasnik BiH", broj 32/02 i 102/09), člana 14. i člana 15. Zakona o zrakoplovstvu Bosne i Hercegovine ("Službeni glasnik BiH", broj 39/09) i PRAVILNIKA o STRUČNOM OSPOSOBLJAVANJU, POTVRDAMA I ODOBRENJIMA STRUČNOG OSOBLJA KOJE OBAVLJA POSLOVE OD ZNAČAJA ZA SIGURNOST ZRAČNE PLOVIDBE NA AERODROMU kandidat treba da:

- ✈️ posjeduje najmanje stručnu spremu propisanu Pravilnikom o stručnom osposobljavanju, potvrdama i odobrenjima stručnog osoblja koje obavlja poslove od značaja za sigurnost zračne plovidbe na aerodromu,
- ✈️ raspoređen je na radno mjesto ili je predviđen za isto, a koje predviđa posjedovanje potvrde o obučenosti, odobrenja ili specijalističkog kursa,
- ✈️ posjeduje dokaz o zdravstvenoj sposobnosti
- ✈️ da postoji zahtjev za obuku od strane neposrednog rukovodioca

Adresa: Kurta Schorka 36  
71210

SARAJEVO  
BiH

Tel: ++387 33 289 235

Fax: ++387 33 289 236

E-mail:

skolski.centar@sarajevo-airport.ba



### Sigurnosni postupci Centra za obuku

Na osnovu člana 20. stav 6. Zakona o graničnoj kontroli («Službeni glasnik BiH», broj: 53/09 i 54/10), i člana 15. stav 2. tačka a) Zakona o Graničnoj policiji («Službeni glasnik BiH», broj: 50/04, 27/07, 59/09) i **PRAVILNIKA O IZGLEDU, SADRŽAJU, UVJETIMA I POSTUPKU IZDAVANJA I ODUZIMANJA DOZVOLA ZA KRETANJE I ZADRŽAVANJE LICA NA MEĐUNARODNIM AERODROMIMA**

Obavezni ste:

- ✈️ Posjedovati odgovarajuću dozvolu

Zahtjev za izdavanje jednodnevnih dozvola za kretanje i zadržavanje na području međunarodnog aerodroma, u pravilu se podnosi najmanje dvadeset i četiri (24) sata prije namjeravanog dolaska lica na aerodrom nadležnoj JGP, preko operatera, drugog pravnog ili fizičkog lica koje ima stalno sjedište na međunarodnom aerodromu, koji je obavezan ovjeriti taj zahtjev. S tim u vezi:

- ✈️ Prilikom izdavanja jednodnevne dozvole, lice kome se izdaje dozvola, predaje nadležnoj JGP svoju ličnu kartu ili pasoš, koje preuzima prilikom vraćanja jednodnevne dozvole.

Kretanje i zadržavanje u sigurnosnim zonama licima kojima je izdata jednodnevna dozvola,

dozvoljeno je samo u pratnji lica koje posjeduje stalnu dozvolu za kretanje i zadržavanje na

području graničnog prelaza na međunarodnom aerodromu. S tim u vezi:

- ✈️ Na ulazu u terminal A kontaktirajte Centar za obuku stručnog osoblja na brojeve telefona 033/289 235 ili 033/289285

### Završne napomene

U slučaju narušavanja discipline i korištenja nedozvoljenih sredstava na ispitu stručna osoba Centra za obuku stručnog osoblja (instruktor, predavač, ispitivač) može kandidata udaljiti sa obuke. Kandidat će biti kažnjen zabranom izlaska na ispit u narednih 12 (dvanaest) mjeseci

Ukoliko je kandidat spriječen da prisustvuje predavanjima ili ispitu dužan je o tome obavijestiti neposrednog rukovodioca koji će Centru za obuku stručnog osoblja podnijeti zahtjev za odgodu ispita

Ukoliko kandidat ne pristupi predavanjima za sticanje potvrde o obučenosti (odobrenja ili specijalističkog kursa), neće mu biti omogućeno pristupanje ispitu

Izlazak na ispit za produženje važnosti potvrde (odobrenja ili specijalističkog kursa), bez prisustva predavanju je dozvoljen, osim ako rasporedom o ispitima prisustvo nije navedeno kao obavezno

### Prijava za ispit

- ✈️ Pismenu prijavu za polaganje ispita za sticanje potvrde o obučenosti i posebnog ispita za sticanje potvrde za instruktora, kandidat podnosi Centru za obuku najkasnije 30 dana prije redovnog ispitnog roka.

- ✈️ Uz pismenu prijavu za polaganje ispita i posebnog ispita kandidat treba podnijeti dokaze o ispunjavanju propisanih uslova i to:

- školskoj spremi,
- stručnoj obučenosti,
- vremenu provedenom na odgovarajućim poslovima.

- ✈️ Pismenu prijavu kandidat podnosi i kad polaže popravni ispit

### Utvrđivanje ispunjenosti uslova

- ✈️ Centar za obuku po prijemu prijave za polaganje ispita utvrđuje da li kandidat ispunjava propisane uslove za polaganje ispita. Ako kandidat ispunjava uslove, Centar organizuje ispit u roku ne dužem od 30 dana niti kraćem od 15 dana od dana prijema zahtjeva za polaganje ispita, osim ako kandidat izričito zatraži da ispit polaže prije ovoga roka.

- ✈️ Ako Centar za obuku utvrdi da kandidat ne ispunjava uslove za polaganje ispita o tome će donijeti odgovarajuće rješenje i obavijestiti kandidata.